

VEXIL'ÒC



REVISTA OCCITANA DE VEXILOLOGIA - ISSN 2117-9166
N°25 - 2018



Vexil'Òc.

Revista occitana de vexilologia, creada en 1997
per Joan Francés Blanc. ISSN 2117-9166.

N°25, 2018, 20 paginas.

En linha (véder darrèra pagina).

Bibliotèca nacionala de França:

<http://catalogue.bnf.fr/ark:/12148/cb42484907z/PUBLIC>



Bandiera de la glèisa de l'espagueti volaire monstruós

Cobèrta: bandiera donada pel comte de Vurtemberg a un dels fraires Arnaud (menaires valdeses) a la fin de s. XVII.

Font:

<http://patrimonioculturalevaldese.org/it/scheda?id=65aed532-9f43-4dce-a4ab-21cdda0beddf>

Ensenhader

Lo patrimòni vexilologic valdés (Joan Francés Blanc)	5
Bandières de la region Auvernhe, Ròse e Aups (Joan Francés Blanc)	13
Region Sud, aquela empega (Joan Francés Blanc)	18

Retrobatz Vexil'Òc sus Facebook:

facebook

Correu electrònic o telèfon Contrasenya Inicia sessió Compte oblidat?

Vexil'Òc @vexiloc

Inici Publicacions Fotos Quant a la pàgina Comunitat Info and Ads Crea una pàgina

M'agrada Comparteix Suggeriu edicions ... Envia missatge

Publicacions

Vexil'Òc ha actualitzat la seva foto de portada. 42 minuts ·

Search for posts on this Page

Comunitat Mostra-ho tot

A 34 persones els agrada 35 persones ho segueixen

Més Informació Mostra-ho tot

banderas.free.fr/vexiloc Revista Gent >

<https://www.facebook.com/vexiloc>

Escut del ducat de Virtemberg abans 1705

Font: David Wolleber: *Chorographia Württemberg, [Schorndorf] 1591,*
Universitätsbibliothek Tübingen, Mh 6,1



Lo patrimòni vexilologic valdés

Joan Francés Blanc

Avèm descobèrt amb plaser, lo site « patrimonio culturale metodista e valdese » (patrimòni cultural metodista e valdés) mes en plaça per la Taula valdesa, l'organizacion que capèla la glèisa valdesa encuèi.

Aquel site presenta bèla quantitat de bandièras, que la mai coneguda es aquela dels fraires Arnauds. Aquela que l'avèm mesa en cobèrta d'aqueste *Vexil'òc*. Es una bandièra de Virtemberg que data d'abans 1705, annada que se cambièt l'escut central. L'escut d'abans datava de la fin del s. XVI (1495), la bandièra es doncas pas de bon datar, e se pòt pensar que lo don als valdeses es pas forçadament contemporanèu de la fabricacion de la bandièra.



Enrico Peyrot e Louis Meille amb una bandièra davant Víso

I a tanben qualques fotografias amb bandièras coma aquela facha en 1894 per David Peiròt (1854-1915). En bas se vei lo Vilar de Pèlis e en naut, Vísol.

Vos presentam aicí quelques autres bandièras.



*Bandiera Lux Lucet in Tenebris
(Musèu valdés de La Tor)*

La devisa dels valdeses « Lux lucet in tenebris » (lo lum lusís dins las tenèbras) es sus mai d'una bandièra e mai d'un escut dempuèi sa primièra aparicion, en 1640, sul frontiscipi d'un libre del pastor Valèri Gròs. Aquela bandièra blava de seda fa 147 x 200. Data de la segonda mitat del s. XIX.



Bandiera de l'Union valdesa de La Tor (2da mitat del s. XIX)

Font:

<http://patrimonioculturalevaldese.org/it/scheda?id=76ddc579-68ca-489e-9efc-edc054f9e0ab>

La bandièra de l'union valdesa de La Tor utiliza las colors italianas e lo simbòl valdés de la candela e las estelas.

La bandièra de l'union valdesa de Marselha, que seguís, repren las colors italianas e l'escut de la candela. Sul revèrs i es l'escut de Savòia. Data de 1889 e mesura 114 x 150 cm. Se vei cossí l'abséncia de consciéncia nacionala occitana es generalizada.

Pasmens, los valdeses immigrats en Provença se trobàvan dins una situacion privilegiada que parlavan la meteissa lenga.

Bandiera de l'Union Valdesa de Marselha



(Musèu valdés de La Tor)

La diaspora valdesa es tanben fòrça nombrosa en America.

La bandiera que seguís data de 1890-1891, sola annada que la bandiera americana aviá 43 estelas (abans lo 4 de julhet de 1890 n'aviá 38, tre lo 4 de julhet de 1891 n'a 44).

Foguèt donada als valdeses per l'associacion de las joves femnas de la glèisa presbiteriana de Fort Street a Detroit, e probablement es lo pastor Teofil Gai, qu'èra en

mission en America en 1890-1891 que se l'emportèt dins las valadas.

Bandiera americana amb « Lux Lucet in Tenebris »




(Musèu valdés de La Tor)

En 1848, l'estat de l'ostal de Savòia legalizèt fin finala la religion valdesa. Foguèt l'escasença de fèstas, e de desplegar de bandières per mercejar lo monarca Carles Albèrt.



*Còpia d'una bandièra donada al rei Carles Albèrt en 1848
(Musèu valdès de La Tor)*

Una autra bandièra o teissut es un imne al rei (pagina que seguís).



*Imne al rei Carles Albert
(Musèu valdés de La Tor)*

N'i a mai d'un, d'aqueles teissuts, aital aqueste autre
qu'es roge.



*Visca lo rei Carles Albèrt e sas reformas
(Musèu valdés de La Tor)*

Se faguèt una mòstra sus aquelas bandièras en 2016,
mas las bandièras demòran vesedoiras sul sit ja
nomenat:

<http://patrimonioculturalevaldese.org/it/news/2016/09/bandiere-fazzoletti-da-collo-e-standardi-un-patrimonio-mostra>

Bandièras de la region Auvèrnhe, Ròse e Aups

Joan Francés Blanc

Es dins las sàrcias socialas qu'avèm trobaas las primières atestacions de la bandièra novèla de la regionassa Auvèrnhe Ròse e Aups.




La primiera version



La segonda version




Auvèrnhe anciana



Auvèrnhe modèrna

La bandièra utiliza una mesclaïssa eraudica: Auvèrnhe modérne, Savòia, Lionés (sens lo chap de las flors de liri, un exemple que mai d'una comuna occitana deuriá seguir!) e Daufinat.


Los autres païses arpitans e occitans son eissubliats : Borbonés, Velai, Vivarés, Forés.




Borbonés ancian



Borbonés moderne



Velai



Vivarés



Forés.

Es de plànher que las colors son gaireben las meteissas: blu, jaune e roge. Se seriá pogut imaginar una bandièra

amb aquelas tres colors.

Per tornar a la bandièra dau conselh regionau, foguèt creaa per l'eraudista loren Mathieu Casali a la fin de 2017. Lo desbois es validat per la comission nacionala d'eraudica (daus archius nacionaus de França) e publiat sus lo site web de la region en febrièr de 2018.



L'òrre logo, sempre utilizat sobre la comunicacion institucionala dau Conselh regionau

Aquò fa pas disparéisser lo logò que se vei sus las segonda fotografia, e tanben sus las placas de las autòs. La bandièra novèla apareis coma un escut sus un fons blanc a la debuta de 2018. Gaire de temps après, las colors cobrisson complètement la bandièra, çò que se ditz una « bandièra d'armas ». La resulta es mai estetica, mas s'utiliza amb la bandièra-logo blava sus los imatges qu'avèm trobats.



La primera version



La segonda version dins un rescòntre amb chantons soïsses



Sus un tweet dau 26 de setembre de 2018, la bandièra armoriaa e aquela dau logò



Sus un tweet dau 10 d'octobre de 2018, se vei pas que la bandièra dau logo

Sitografia:

- « Un blason qui fait sens pour Auvergne-Rhône-Alpes », site dau Conseil régional d'Auvergne, Rôse e Aups, 9 de febrièr de 2018. <<https://www.auvergnerhonealpes.fr/actualite/323/23-un-blason-qui-fait-sens-pour-auvergne-rhone-alpes.htm>

■

Region Sud, aquela empega

Joan Francés Blanc

Podiam pas daissar passar sens renar aquela tissa de las nècias qu'an los politicians colonizats de se voler « part de França » quora França nos escana e nos mespresa. Aital n'es del colonizat Muselier, president del conselh regional de Provença, Aups e Còsta d'Azur, que decidiguèt de la renomenar « Région Sud », çò que foguèt votat pel Conselh regional...

Région Sud @MaRegionSud · 9 nov.
Former et accompagner la #jeunesse vers l'#emploi grâce à l'#innovation.
Débattez et discutez de l'#avenir de l'emploi lors de l'acte II de
#MéditerranéeduFutur Inscrivez vous à l'événement : [@univamu #entrepreneuriat #startup](http://goo.gl/biRcwE)



REGION SUD

MÉDITERRANÉE DU FUTUR

1 9 19

Sus un tweet dau 9 de novembre de 2018, lun fum de bandières mas lo logò de la region pòrta « Région Sud ».

Aquel cambiament de mèrca es illegal, qu'avèm pro vist a l'escasença de la reorganizacion de las regions que se deviá far pas que per lei (dirèctament o en nomenant l'organ de decision)*, e qu'en França las collectivitats localas, foguèsson de conselhs regionals, an pas de poder legislatiu.

Aquò empacha pas lo Collectiu Provença de sosténer lo cambiament de nom, sens cap de dopte per dire de pèdre pas las subvencions.



Per astre la bandièra de la region PACA còmbia pas. Emai s'es un pauc desprovesida de coeréncia, que manca la crotz de Provença, es mens artificiala qu'aquela de la region Occitanie.

* « Quelques jours avant la délibération de l'assemblée régionale, le préfet, Pierre Dartout, avait tout de même mis en garde la collectivité quant à l'utilisation qu'elle faisait de la dénomination « Région Sud ». Dans un courrier daté du 14 juin, il rappelait que le nom d'une région ne pouvait être modifié que par décret en Conseil d'Etat, et ce après consultation du conseil régional et des conseils départementaux intéressés. » Caroline Garcia, "On dirait « le Sud » mais c'est bien PACA....", *La Gazette des communes* (legir en linha: <https://www.lagazettedescommunes.com/581846/on-dirait-le-sud-mais-cest-bien-paca/>).

VEXIL'ÒC



REVISTA OCCITANA DE VEXILOLOGIA - ISSN 2117-9166
N°25 - 2018

Redaccion e compaginacion acabadas lo 17 de març de 2019.

Ancians numeròs:

<http://bandieras.free.fr/vexiloc>

o

<http://vexiloc.rf.gd>

Imatges e cartas de còp tirats de:
Flags of the World, ISSN 1712-9842,
<<http://www.fotw.net/flags/index.html>>
Wikipèdia, <<http://oc.wikipedia.org>>

ISSN 2117-9166



9 772117 916000